


二月二十八日間  
每日上午九時至七時  
以新京字體在郵局廣播

道

禮

孔子曰道之以德齊之以禮  
夫禮者納民於軌物之中使  
習尚之不齊智愚之不齊貧  
富之不齊皆得自安於禮蓋  
由之而後知之化民成俗之術  
殆莫急乎此也左文襄既平  
新疆先刊吾學錄謂離亂  
之後復見威儀人之始有望  
治之意今急於刊布此書者  
猶斯旨也

康德元年冬日孝甫



聖人平物我之情息天下之爭內則以仁外則以禮故曰禮由人起夫人生有欲則爭爭則亂先王制禮以分之所以守其國行其政無失其民者也故教之冠禮以責成人之道教之昏禮以明厚別之義欲民之篤終而報本也教以喪祭之禮欲民親賢而尊老也教以鄉飲酒之禮由其道則行不由其道則亂輓近中國禮制廢棄大小相踰淫侈無度其見侮於世也宜哉滿洲帝國崛起機械不張固塞不樹而國晏然而固者亦曰唯禮而已孔子曰能以禮讓爲國乎何有王道之行此其本歟雖然制而用之存乎禮推而用之存乎人徒法不能以自行又在國民之謹守奉行而勿替也

康德元年

文教部禮教司

陳

曾

杰

# 通禮目錄

一	冠	禮	一
二	婚	禮	七
三	喪	禮	一九
四	祭	禮	四三
五	鄉飲酒	禮	四七

冠

禮

# 冠義

記曰凡人之所以爲人者禮義也禮義之始在於正容體齊顏色順辭令容體正顏色齊辭令順而后禮義備以正君臣親父子  
和長幼君臣正父子親長幼和而后禮義立故冠而後服備服備而后容體正顏色齊辭令順故曰冠者禮之始也是故古者聖王重冠古者冠禮筮日筮賓所以敬冠事敬冠事所以重禮重禮所以爲國本也故冠於阼以著代也醮於客位三加彌尊加有成也已冠而字之成人之道也見於母母拜之見於兄弟兄弟拜之成人而與爲禮也玄冠玄端奠摯於君遂以摯見



於鄉大夫鄉先生以成人見也成人之者將責成人禮焉也責成人禮焉者將責爲人子爲人弟爲人臣爲人少者之禮行焉將責四者之行於人其禮可不重與故孝弟忠順之行立而后可以爲人可以爲人而后可以治人也故聖王重禮故曰冠者禮之始也嘉事之重者也是故古者重冠重冠故行之於廟行之於廟者所以以尊重事尊重事而不敢擅重事不敢擅重事所以自卑而尊先祖也

# 士冠禮

士子年及二十。

二十曰弱冠

主人諷曰。爲子加冠於禰廟。

無廟則於寢行

之前期三日。主人禮服親自延賓。

鄉黨戚友中年高德劭者

（辭曰。某有

子。將於某日加冠。敢請教之。）賓辭曰。（某不敏。恐辱

命。敢辭。）主人固請。賓答曰。（辱承重命。某敢不從。）

主人再拜。賓答拜。主人退。賓送至門外。延贊冠者一

人贊冠者佐賓爲冠事者亦如之。並廣延鄉黨戚友。使來觀禮。

冠期厥明。執事者設洗器於廟堂東序。主人禮服立于階

下東序西面。兄弟戚友依次立于洗東西面北上。將冠者

盛服

玄青緞馬褂  
正藍色袍子

立於房中南面。賓至。贊冠者從之立于門

外。執事者告。主人出迎。揖讓而入。至于階。主人升。

立于序端西面。賓西序東面。贊冠者盥于洗西。執冠國即

家通用  
之禮帽

豫立階上以待。執事者布席于東序少北西面。將冠

者出房南面。賓揖將冠者。將冠者答揖。降。即筵坐。

賓降。主人降。賓盥畢。揖讓而升。主人升。復初位。

贊冠者執冠東而授賓。將冠者興。賓執冠行翔而前加于

將冠者之首。祝曰。令月吉日。始加元服。棄爾幼志。順

爾成德。壽考惟祺。介爾景福。冠者再拜。賓答拜。賓

揖冠者就筵。贊冠者舉觶授賓。賓始醮之。辭曰。旨酒

既清。嘉薦亶時。始加元服。兄弟具來。孝友時格。永  
乃保之。冠者筵西拜受。賓答拜。贊冠者薦脯醢。冠者  
奠饌於薦束。再醮曰。旨酒既湑。嘉薦伊脯。乃申爾服。  
禮儀有序。祭此嘉爵。承天之祜。冠者拜受如初醮儀。  
三醮曰。旨酒令芳。籩豆有楚。咸加爾服。肴升折俎。  
承天之慶。受福無疆。冠者拜受如再醮儀。賓降直西序  
東面。主人降。復初位。冠者立于西階東南面。賓字之。  
辭曰。禮儀既備。令月吉日。昭告爾字。爰字孔嘉。髦  
士攸宜。宜之于假。永受保之。曰伯某甫仲叔季唯其所當冠者再拜。賓  
答拜。賓出。主人送于廟門外。請醴賓。賓禮辭許。饌

者布席于中堂。賓東主西。揖讓就坐。進饌。行酒三巡。賓興離席。告退。揖。主人答揖。送賓于門外。冠者入祀祖先。拜見父母。見於兄弟。兄弟再拜。冠者答拜。拜見贊冠者亦如之。見姑姊如見母。見鄉黨戚友揖。鄉黨戚友答揖。主人請贊冠者及鄉黨戚友飲酒。筵畢。主人以禮物酬賓。

力不能舉者。鄉社長集資合及年者行之。禮可從簡。書冠者姓名以納於有司。

婚

禮

## 士婚禮

納采

使人納其采擇之禮。（兩姓結親。先由媒妁通言。女家允許後。擇吉行納采禮。）儀禮鄭注。昏必由媒交接。所以養廉恥。

問名

主人具書。遣使者至女氏問女之名。女氏主人復書。具女所出及生年月日以告也。曲禮。男女非有行媒。不相知名之謂也。儀禮問名之辭曰。敢請女爲誰氏。

納吉

納吉者。謂歸卜於寢廟。得吉兆。使復於女氏。婚姻之事於是定。即俗謂合婚之意也。

納徵

即納幣。使使者納幣以成昏禮。（諏日具書。備禮物章服等於女家。女氏受物復書。如納采禮。）

請期

諏吉具書。備禮物告女氏。女氏拜受復書。如納徵禮。

親迎

婿自迎娶也。親迎日。婿公服率從者婦輿等至女家。奠雁畢。乘馬先俟於門。婦至。降輿。婿引導入室。行交拜合巹禮。

### 納采問名禮節

納采。先期主人具書。請女爲誰氏出。並問生年月日。別具婚者名字伯仲生年月日附於書。媒氏預告

女家。其日夙興。以子弟一人爲使。

既遣媒氏往告又以子弟爲使者以嫁娶不可

無媒亦不全憑媒當慎其始也

具禮服。奉書偕媒氏如女家。女氏主人

亦禮服迎門外。揖讓入。升堂。賓東面奉書致辭。

從者陳禮物於堂。主人北面再拜受書。賓避拜。請

退。俟命。饋者亦使子弟一人爲之如賓服導賓入別室。主人以書入。

具復書。具女所出及名字伯仲生年月日附於書。饋

延賓升堂。主人奉書出。西面授賓再拜。賓受書避

拜。從者請退。主人請醴賓。賓禮辭許。饌者布席

中堂。賓東主西。揖讓就坐。進饌。行酒三巡。賓

興離席。告退。揖。主人答揖。送賓於門外。使還。

復命。主人納書如授書禮。醴使者如初。

### 納徵禮節

先期具書。備禮物章服一稱。章如其等。幣飾食品。

多寡豐儉。惟家之宜。媒氏預告女家。其日夙興。

主人遣使奉書及禮物如女家。女氏主人受書及禮物。具復書授賓。醴賓如納采禮。

### 請期禮節

昏期。諏吉具書。備禮物。遣使如女家。女氏主人迎賓入。賓致辭。請期。主人辭。（言期宜由夫家定）賓迺奉書告期。主人拜受。具復書授賓。賓還。復於主人。皆如納徵禮。

納采至請期皆用昕日出時也所謂旭日始旦是也

### 親迎禮節

婚期前一日。女家使人以奩具張陳婚室。至日婿家筵於室中。位東西向。別以案陳合巹器。設醮爵於

堂下之東。初婚。婿盛服俟於堂。鼓吹樂人無定數。

無者

婿馬一乘。

或車亦可

二燭前馬。

婦綵輿一乘。

或橋亦可

均俟於門外。主人盛服出。醮子。

父歿則以有服之尊長醮後仿此

位於

堂東南面。婚者升至西階再拜。執事者升。授爵。

婚者北面跪受。卒爵。反於執事者。父命之迎。婚

者興。降出乘馬。執事者隨以雁。儀從在前。婦與

在後。如女家。其日女父告於祠堂。

無祠堂者告於寢

辭曰。

某之第幾女某。將以今日歸某氏。敢告。還醮女於

堂。父東母西。姆相女。出至父母前。北面再拜。

侍者斟酒。醮女。如父醮子儀。父訓女以宜家之道。

母申命之。女識之不唯。壻既至。主人迎於門外。

揖讓入。壻執雁從至廳事。主人西南。壻北面立。

奠雁再拜。主人不答拜。尊雁而拜，肅禮也，非拜主人故不答拜。姆奉女出於

中門。壻揖降。女從。主人不降送。姆奉女登輿。

女家亦以二燭前輿。壻乘馬先俟於門。婦至。降輿。

婿導入升堂。壻婦交拜訖。執事者導婿先行。姆奉

婦從之。適其室。媵婦家送者布壻席於東。御壻家迎者布婦

席於西。設匕箸醯醬。壻肅婦。即對筵坐饌。入卒

食。媵取琖。實酒醕壻。御取琖。實酒醕婦。醕酌

用三。卒盞。壻出。媵御施衾枕。壻入。燭出。

見舅姑禮節

既娶次晨。堂中設舅姑坐。南向。前置案。親屬序立。姆相引新婦詣案前。贊拜爲禮。獻贊幣。爲棗栗服修之類奠於案。舅姑以其成婦。亦禮答之。

婦盥饋舅姑饗婦禮節

是日。婦具酒饌設匕箸醢醬。行盥饋禮。舅姑就坐。婦從者奉饌入授婦。獻於舅姑。眡卒食。乃酌酒醢舅姑。贊拜爲禮。舅姑卒飲。興。迺共饗婦。侍者布婦席。稍東西向。具酒饌。設匕箸醢醬。舅姑臨之。婦卒食。姑臨之。婦拜受。卒飲。舅姑反休於

室。婦退。

### 廟見禮節

三日。婦見於廟。

無廟則見於寢

厥明。

執事者設饌具。

主人

啟櫝陳主。如常祭禮。

主人爲位階下之東。

婚者在

後。主婦爲位階下之西。婦在後。各就位。再拜。

主人升。獻酒。讀告辭曰。某之第幾子某已婚畢。

率新婦某見。餘辭如祭式。退立於東。婦進當中階

下。北面再拜。興。復位。主人復位。及主婦以下

行再拜禮。畢。

納主徹退。

若同居有尊長者婦見如見舅姑禮見夫之伯叔母與見姑同答以肅拜見姊

如小姑以夫之齒序拜皆答禮夫兄弟之子若女婦受拜答以肅拜肅拜但交手低頭而不折腰屈膝婦人之吉拜也於卑幼用之

婿見婦父母

誼曰。婚者以贊。賦分所應用往見婦之父母。主人迎於門

外。揖讓入。升堂。奠贊。婿北面再拜。主人主婦

西面答拜。出。主人醴以一獻之禮。

醮子禮節

迎娶之時。婿家於正廳設父座。前置案。相禮引婿

至案前。贊拜如禮。父垂訓戒。辭曰。(往迎。爾相

承我宗事。相率以敬。毋忝大禮。)婿答(不敢忘命。)

然後往女家迎娶。

醮女禮節

女家已屆吉時。設父母座於內廳。前置案。姆相導女詣案前。贊拜爲禮。父垂訓戒。辭曰。（戒之戒之。夙夜毋違爾舅姑之命。母垂訓戒。辭曰。（夙夜毋違爾閨門之禮。）又贊拜爲禮。遂相送至中門外升輿。

### 奠雁禮節

用生雁一對。

無雁以鵝代之。

以紅繒交絡之。

取雁不再偶之義。

於親迎時。

婿奠於主人之前。贊拜如禮。婿辭曰。（某受命於父。以茲嘉耦。恭聽成命。）主人答拜。辭曰。（某固願從命。）禮畢。迎女于歸。

### 合卺禮節

女至壻家。於花燭前交拜。歸房之後。壻東婦西。就坐。從者取兩盞杯。斟酒交易進飲。謂之合盞。

古盞杯之制，以小匏剖而兩之，漆以成盞，取天然配合之義。

喪

禮

# 士喪禮

喪服制度○斬衰○齊衰杖期不杖期○齊衰五月三月○大功○小功○緦麻

## 斬衰

服生麻布。旁及下際不緝。麻冠。絰。菅屨。竹杖。

上圓下方，長與心齊。婦人麻屨不杖。餘同。

## 齊衰杖期不杖期

服熟麻布。旁及下際緝之。麻冠。絰。草屨。桐杖。

上圓下方，長與心齊。婦人麻屨。餘同。

齊衰五月三月

服熟桐麻布。冠絰如其服。草屨。婦人麻屨。

大功

服粗白布。冠絰如其服。繭布緣屨。

小功

服稍細白布。冠絰如其服。屨同上。

緦麻

服細白布。絰帶如其服。素屨無飾。

凡喪三年者。百日理髮。在喪不飲酒。不食肉。不處  
內。不與吉事。不取妻納妾。門庭不換舊符。

期之喪。二月理髮。在喪不婚嫁。九月五月者。踰月理髮。三月者踰旬理髮。在喪均不與燕樂。


喪服總圖

斬衰三年			
用至粗麻布爲之縫下邊			
齊衰五月	齊衰杖期	齊衰不杖期	齊衰三月
用稍粗麻布爲之縫下邊			
大功九月			
用粗熟布爲之			
小功五月			
用稍粗熟布爲之			
緦麻三月			
用稍細熟布爲之			



妻爲夫族服圖

夫爲祖父母  
及高曾祖父母  
母承重者。  
並從夫服。






謹案爲夫之姑姊妹小功。  
堂姊妹總麻。降於夫者已  
多。不得再降。故圖內不  
分在室出嫁。



妾爲家長族服之圖

嫡孫衆孫爲庶

祖母小功五月



妾爲家長之女無服。爲其所生女服期年。出嫁則降功。

妻親服圖

		妻祖父母 服 無					
妻之姑 服 無		妻父母 麻 總		妻伯叔 服 無			
妻之姊妹 服 無		己身 麻 總 培 爲		妻弟兄及婦 服 無		妻外祖父 服 無	
妻姊妹子 服 無		女之子 麻 總		妻兄弟子 服 無			
女之孫 服 無							

謹案妻外祖父  
母。妻之餘親  
也。培及女之  
子孫。非妻  
親。亦附及  
者。今皆加粗  
線別之。圖內  
女之子。兼男  
女言。


三父八母服圖

類 伯叔兄弟之類	孫己身亦有	謂繼父有子	兩有大功親	<b>同居繼父</b>	類 伯叔兄弟之類	孫己身亦無	謂繼父無子	兩無大功親
齊衰三月	伯叔兄弟之類	死繼母再嫁 他人隨去者	從繼母嫁 謂父	居 母與繼父同 無服	同居 齊衰三月	不同居繼父 自來不曾隨	同居 今不同	先併與繼父

撫育者 斬衰三年	死父令別妾	慈母 謂所生母	妻 斬衰三年	繼母 謂父之後	稱父之正妻 斬衰三年	嫡母 妾生子	與親母服同 斬衰三年	三歲以下遺棄之子者 房立嗣及 謂自幼過	養母
齊衰杖期	齊衰杖期	者 被父出	出母 謂親母	出母 謂親母	齊衰杖期	人 再嫁他	因父死 再嫁他	謂親母	嫁母
齊衰杖期	齊衰杖期	即奶母 總麻	乳母 謂父	乳母 謂父	斬衰三年	所生子	嫡子 齊衰杖期	有子女妾	庶母 謂父

士喪禮

出嫁女爲本宗降服之圖



外親服圖

妻爲夫外親  
服降一等。

母祖父母  
服 無

謹案圖內已  
身及子孫字。  
皆兼男女言。  
惟女之出嫁者降等。

母之姊妹 功 小	外祖父母 功 小	母之兄弟 功 小
-------------	-------------	-------------

堂姨之子 服 無	兩姨之子 麻 總	己身	母舅之子 麻 總	堂舅之子 服 無
-------------	-------------	----	-------------	-------------

姨之孫 服 無	姑之子 麻 總	舅之孫 服 無
------------	------------	------------

謹案外親。專指母黨言。姑之子孫。父黨旁親也。圖特附見。故

姑之孫 服 無
------------

遞下一層。不與舅姨之子孫並列。今加粗線別之。





士喪禮

初終襲歛

既終。子號哭擗踊。去冠。諸婦女子去飾。期功以

下男女皆易素服。常服之無男哭牀東。女哭牀西。異向。

立喪主。以適長子無則長孫承重無長孫則以嫡次攝無嫡次則以庶長攝侯得孫承重後於神主改題奉祀之名凡子孫主喪專奉饋奠其與賓客

為祖則以同居之親且尊者主之主婦以亡者之妻無妻及母之喪則以喪主之妻當之護喪。以家長或兄若弟知禮能幹者為之凡喪

事皆司賓。以戚友贊祝。以戚友諸執事人。治棺。及凡

喪具。護喪者使人訃告親屬僚友。執事者帷寢。未尸

設飾故帷其室非施帷於牀也設浴牀於尸牀前。浴牀即板牀舒篋設枕不用甕樽以便澆水沐浴襲牀

在浴牀西。東陳沐浴巾櫛含具。以珠玉寶口謂之含具襲事陳其

旁。常服一稱。冠及禮服帶鞞皆備。侍者遷尸浴牀南首。諸子哭踊。婦人出。女喪則男出。迺去尸衣。覆以歛衾。侍者奉湯。及巾櫛入。沐浴。喪主及諸子止哭。眡執事者結襲衣。縱置於牀。南領。舉尸易牀。徹浴具浴牀。埋巾櫛及餘水於屏處。迺去衾。襲常服。加面巾。即牀前爲位。即靈位以素綾若紙爲之。不書奉祀之名。又設照像於案正中。皆古人立重之也。立魂帛。用白絹摺爲長條。左書死者生年月日時。右書卒年月日時。葬後立主埋於墓側。設奠。陳生前所食脯醢酒果。用吉噐。喪主以下爲位。序哭如禮。執事者奉含具前。喪主起盥。含尸訖。哭。復位。

小歛

執事者帷堂如寢。陳歛牀於堂東。加歛衣。復一。  
禫一。復衾一。給絞皆備。歛畢。遷尸於堂。喪主  
暨諸子加首經腰經。皆以麻。婦女以麻綴髮。餘同

大歛

執事者以棺入。承以兩凳。棺內奠七星板。藉茵褥。  
施綿衾。垂其裔於四外。屆時。奉尸入棺。納生時

所落齒髮。卷衣以塞空處。令充實平滿。附身附棺無嫌  
詳慎但視其力

之能致  
否耳 喪主以下。憑棺哭踊。盡哀。迺蓋棺。加錠

施藜。比葬月一藜。徹歛牀。舉柩停堂中。如幼喪男  
偏極東女

西偏極 柩前設靈座。奉魂帛。几筵供器具。門內立引

旛。題曰。顯考某府君之柩。婦則書顯妣某氏 依靈座之右。

設歛奠。內外序哭如儀。及夜諸子伴宿柩旁。寢草

苫。枕土塊。三月後方可復寢 方不脫經帶。諸婦女子次中門之

內。幃幔枕衾皆布素。哀至則哭。晝夜無時。

### 成服

三日成服。在服之人。各以親疏爲等

### 朝夕奠

厥明。喪主以下五服之人。各服其服。就位。執事者設果蔬酒饌。如生時。祝焚香斟酒點茶。喪主以

下詣案前再拜。哭盡哀。各以其服爲序。皆男先女後。宗親先。外嫗後。復位。哭止。日中設果筵奠酒。及夕。又奠。如朝奠儀。

### 初祭大祭

執事者陳饌筵羊酒。具楮幣。五服之人咸集。各以其服爲序。司祝焚香料酒。喪主以下詣案前再拜。哭奠如儀。卒奠。侍者奉楮幣送燎所。焚燎。大功者是日易素服。行大祭禮。儀與初祭同。期服者是日易素服。

### 親賓弔奠賻

士喪禮

親賓聞訃告弔於喪主之家。未歛至者。入門易素服。司賓待於廳事。以贈賻儀物授執事者。入臨尸哭。盡哀。遂弔喪主。特哭。喪主以下哭。稽顙無辭。賓出。司賓送。開弔之日至者。各以其服弔。具酒果香燭。厚則加貨財。皆書於狀。先使從者持狀通名。執事者籍記之。以禮物入陳靈前。喪主以下就位哭。司賓出迎賓入。詣靈座前。舉哀。哀止。跪。焚香酌酒。再拜。興。喪主出帷。稽顙哭謝。賓答拜。慰唁出。喪主哭入。司賓延客待茶。賓退。司賓送於門外。

## 啓殯至葬

卜葬。先期擇吉地。擇日開兆。喪主率諸子適兆所。以親賓一人告土神。執事者陳酒饌於兆左。告者吉服盥就位。上香酌酒讀祝。行禮如儀。遂開壙。使子弟一人留眡之。喪主以下還。葬有期。豫以啓期告於戚友。發引前一日。厥明。五服之人。各服其服。入就位。朝奠訖。告遷柩於殯前。喪主以下再拜。哭盡哀。役人入遷柩。祝奉魂帛前。喪主以下哭從及外堂。仍設座於柩前。奉魂帛辭於祖禰。復於靈座從哭如初。及夕祖奠如朝奠儀。喪主以下再

拜。哭盡哀。親賓致奠。行禮如儀。賓出。喪主以下代哭如初。質明五服之人會葬者畢會。執事者陳明器於大門外。設鞍馬二。納靈車於門內之右。役人舉輿入。設於廳事正中。喪主以下哭踊。迺載。喪主輟哭。視載牢實訖。設遣奠如祖奠儀。役人舁輿。視奉魂帛就靈車。木版櫛設魂帛後。柩出大門。施幃蓋屬。引遂發。引旛銘旌前導。次明器。次靈車。輿從。外親分執引布在前。喪主以下經杖衰服。男在柩旁步從。女在柩後輿從。哭不絕聲。出城門若里門。親賓不至墓者。於前途立。向柩前再拜。

役人暫停鑿。喪主哭謝。賓退。柩行如初。及墓。執事者豫張靈幃於墓右。置靈座几筵。設題主案於右。設藉柩席。薦於壙前。鋪陳壙中之事。設婦女行幃於羨道之右。靈車至幃外止。祝奉魂帛於几上。奉主櫬置魂帛側。柩車至。脫載去幃蓋方牀。下於藉席。祝取銘旌縱加柩上。喪主及諸子憑棺哭。婦女哭羨道西。屆時男女以次哭叩辭訣。親賓送者再拜辭歸。喪主及諸子哭謝。遂窆。喪主輟哭。眡執事者整銘旌。藏誌石明器。復土。喪主以下哭盡哀。執事者陳饌於墓左。致祭土神如開兆祭儀。喪主以

下退。就靈幃之左序立。祝盥。復魂帛於箱。啟櫛。出木版臥置案上。題主者盥就位。喪主匍匐於側。題主者呵筆凝神。先內後外。先墨後硃。題主訖。請主入櫛。祝奉主於几上。設奠。焚香。奠酒。讀告辭。喪主以下哭叩盡哀。祝焚告辭。奉魂帛埋於墓側。奉主納櫛置靈車而返。在途不驅。喪主以下哭從如來儀。

反哭至祔

靈車至家。喪主以下哭從入門。祝奉木主設几上。諸子在寢東。服親序在諸子後。婦女哭於房中。有

弔者如在殯儀。廼修虞事。既葬反哭之祭曰虞祭。送形而往。迎精而返。故爲虞以安之。執事者具饌主人以下就位哭。主婦薦羹飯。主人獻爵。讀祝行禮如時薦儀。畢。主人奉主納櫛。徹。哭止。衆退百日卒哭。儀同虞祭。厥明。執事者具饌於寢室。如常薦禮。設亡者案於祖考神案東南。啟室。陳神主。主人率衆先哭於几筵前。奉亡者之主如寢。諸子以下哭從。及寢門止哭。陳主於東南案上。衆序立。焚香進饌。讀告辭如常薦儀。祝焚告文。奉神主復室。徹。主人奉亡者之主復寢哭。隨至几筵前

納櫛訖。哭止衆退。

百日卒哭之後易素服於隣里親友徧謝吊賻者稍遠者爲書致謝

### 祥禫

期而小祥。於忌日行事。厥明。喪主以下及期親就  
內外位哭。盡哀。焚香進饌酒讀祝。行禮儀與卒哭  
同。再期而大祥。先忌一日設案於寢堂。東西各一。  
主人率諸子詣寢堂。啓室。以遞遷改題之事告於祖。  
陳設讀祝行禮如時薦儀。迺以紙褻應祧神主。陳於  
西案。奉曾祖以下神主臥置東案。使子弟一人善書  
者改題訖。復於室。遞遷其位。虛室中下級以俟  
闔門出。質明。主人以下就几筵前序哭。陳設行禮

如初期儀。主人奉亡者之主。躋於寢室。再拜。闔門。徹靈牀靈座。罷朝夕奠。徹几筵。斷杖。棄之屏處。奉祧主於墓。祭而埋於側如儀。二十七月既周。設几筵於廳事正中。主人以下如寢堂。啓室。奉新祔神主陳於廳事几上。祇薦禫事。主人及諸子位東壁下舉哀。婦人哭於房中。焚香。薦果饌酒醴。讀祝如儀。畢。奉主復於寢室。闔門退。諸子素服終月。始服常服。




祭

禮

# 士祭禮

士家祭之禮。於寢堂之北爲龕。以版別爲四室。奉高曾祖禰。皆以妣配。位南向如左圖。前設香案總一。服親男女。成人無後者。按輩行書紙位祔食。男東女西。相向。事至則陳。已事焚之。不立版。



歲以春夏秋冬節日。出主而薦。餅餌二槃。肉食果蔬之屬四器。羹二。飯二。前期主人及與祭者咸致齋。薦之前夕。主婦盛服治饌於房中。厥明夙興。主人吉服率子弟。設香案於南。然燭置祭文。堂北設供案二。昭東穆西均以妣配。位均南向。設祔案於兩序下。各一。男東女西。東西向。主人以下盥。奉木主設於案。設祔位於兩序案。訖。主人東階下立。衆各依行輩。東西序立。主人詣香案前。上香畢。率在位者。一跪三叩興。主婦率諸婦出房中。薦七著醯醬。跪叩如儀。退。子弟奉壺主人詣神案。以次斟酒薦熟訖。皆就案南跪。叩興。子

弟薦祔位畢。主人跪。在位者皆跪。祝進至香案之右。

讀祭文。辭曰維某年月日孝孫某謹告於某考某府君某妣

某氏之靈曰。氣序流易。時維仲春夏。追感歲時。不勝永

慕。謹以庶品粢盛醴齊。敬薦歲事。以某親某氏祔食。

尙饗。訖。興退。主人以下叩興。再獻。主婦薦飯羹。

三獻。主婦薦餅餌。主人斟酒。跪叩均如初儀。畢。主

人率族姓。一跪三叩興。祝取祭文及祔食紙位。焚於庭

衆出。主人納木主。徹退。

月朔望日。主人及家衆夙興盥洗。啟寢室。然燭。詣香

案前。依行輩序立。主人上香訖。子弟奉茶。主人獻茶。

復位。率衆一跪三叩興。徹茶。闔室。衆退。若家有吉事。主人盥洗。啟室。然燭焚香。以其事告。行禮如朔望儀。歲逢忌日。前期齋。厥明。主人及子弟素服如寢室。啟室。出專薦之主於案。焚香。薦酒饌。讀祝。行禮如時節薦新之儀。禮畢。徹。納主。闔室。退。歲寒食節。或霜降節。主人夙興。率子弟素服。具酒饌詣墓拜掃。既至。芟除荆草。設饌於墓前。主人以下序立焚香再拜。興。別陳饌於墓左。祀土神行禮如儀。

鄉飲酒禮

# 鄉飲酒禮

歲之正月。

鄉黨飲酒必於民聚之時，欲見其化，知尚賢尊長也。

各縣鄉長。遴訪紳士之

年高德劭者。一人爲賓。次爲介。又次爲衆賓。

介賓

處士賢者舉行鄉飲耆賓禮。

先期。主人告賓。

告以所爲來之事，謂行鄉飲酒禮也。

賓拜辱。主人答拜。

主人退。賓送至門外。告介亦如之。乃延衆賓。

至期。於禮堂南面。恭懸

皇帝御像。旁張國旗。具筵席於禮堂正中。設洗器於堂

東序。

必盥洗者，所以致其絜敬之意也。

主人豫立于階下東序西面待賓。

賓至。主人降迎。揖讓而升。介亦如之。衆賓皆從之。主人導賓同入禮堂正中。向

御像國旗。行再拜禮。畢。奏國樂。賓主肅立。樂止。

主人揖賓就筵。位西序端東面。位介于東序端西面。

衆賓以齒正位。

正齒位則民知尊長養老故孝弟之行以此而成立也

主人取爵降洗。

賓降辭洗。主人奠爵賓之席前。實酒獻賓。賓揖受

爵。主人答揖。賓復位。獻介與衆賓亦如之。主人

北面就位。賓降。取爵實酒獻主人。主人揖受爵。

賓答揖。賓主復位。進酒。

主人興。致辭。

說明鄉飲酒養老尊賢之意

（辭曰。舉行鄉飲。非爲飲食。凡我長幼。各相

勸勉。爲臣盡忠。爲子盡孝。長幼有序。兄友弟恭。內睦宗族。外和鄉黨。無或廢墜。以忝所生。畢。

賓興。

答辭。

厚謝主人舉行鄉飲酒之意旨並言及鄉間禮俗上應興應革之事及教育上應加改善方法並民間疾苦情形

介

興。

實酒獻賓。

賓揖。

介答揖。

主人興。

請衆賓致

辭。

各舉意見以告

畢。

主人舉酒請賓同飲。

奏樂。

酒三巡。

進饌。

樂止。

乃隨意談話飲酒。

至無算爵。筵席終。

賓興離席。

主人謝賓惠教。

揖。

賓答揖。

賓謝主人

厚款。

揖。

主人答揖。

賓告退。

奏樂。

介與衆賓從

之。

主人揖送至門外。

衆賓答揖。

禮畢。

日加午禮畢。

是日晝爲擊球競走之會。

夜設教育電

影。德行演義。抵戍而罷。  
鄉居者於秋穫後亦可舉行。城鎮則於春秋暇日行之。



